



Broj: 01-02-4629/15
Sarajevo, 01.12.2015. godine

MEDIJIMA

Predmet: *Saopštenje za medije*

Mikrokreditni sektor Federacije Bosne i Hercegovine u trećem kvartalu 2015.godine

U Federaciji BiH sa 30.09.2015. godine, dozvolu za rad Agencije imalo je 12 MKO, od toga 11 MKF (neprofitne organizacije) i 1 MKD (profitna organizacija), koje poslovanje obavljaju putem 263 organizaciona dijela. U drugom kvartalu 2015. godine, nad imovinom jedne MKF je otvoren stečajni postupak, te zbog ove činjenice finansijski pokazatelji ove MKF nisu uključeni u finansijske pokazatelje mikrokreditnog sistema FBiH.

Bilansna suma MKO sa 30.09.2015. godine iznosila je 411,3 miliona KM, od čega se na MKF odnosilo 395,1 milion KM ili 96,1%, a na MKD 16,2 miliona KM ili 3,9%. Bilansna suma na kraju trećeg kvartala 2015. godine bila je manja za 41,1 milion KM ili 9% u odnosu na stanje sa 31.12.2014. godine.

Ukupni bruto krediti MKO, kao najznačajnija stavka aktive, sa 30.09.2015. godine, iznosili su 351,2 miliona KM i čine 85% ukupne aktive MKO, te su manji za 8% u odnosu na kraj prethodne godine, dok su neto krediti iznosili 347,3 miliona KM i manji su za 2% u odnosu na stanje sa 31.12.2014. godine. Prosječne ponderisane efektivne kamatne stope na ukupne kredite u mikrokreditnom sektoru su iznosile 25,16%, i bilježe značajno smanjenje u odnosu na prethodne godine.

U poređenju s krajem prethodne godine, sa 30.09.2015. godine, mikrokreditni portfolio bilježi pad od 8% (30,1 milion KM), ali iskazuje poboljšanje pokazatelja kvaliteta aktivnog kreditnog portfolija. Osnovni izvor sredstava MKO su obaveze po uzetim kreditima koje su na dan 30.09.2015. godine iznosile 199,1 milion KM ili 48% ukupne pasive i manje su za 25% u odnosu na stanje sa 31.12.2014. godine. Ukupni kapital MKO na dan 30.09.2015. godine iznosio je 192,1 milion KM ili 47% ukupne pasive MKO koji je veći za 31 milion KM ili 19% u odnosu na kraj prethodne godine, od čega je kapital MKF iznosio 189,4 miliona KM ili 98,6%, a kapital jednog MKD 2,7 miliona KM ili 1,4%. Osnovni kapital i ostale rezerve MKF iznosile su 6,2 miliona KM, odnosno 3% ukupnog kapitala MKF. Osnovni kapital jednog MKD iznosi 600 hiljada KM, a dobit 186 hiljada KM.

Na nivou mikrokreditnog sektora u Federaciji BiH, ostvaren je pozitivan finansijski rezultat u iznosu od 12.483 hiljade KM, što je za 27.047 hiljada KM više u odnosu na isti period prethodne godine.

URED ZA INFORMIRANJE FBA
